



*Hovudlaget*

# **STRYN TURN & IDRETTSLAG**

Skipa 1898

Sogn og Fjordane Fylkeskommune  
v/fylkeskulturdirektøren  
Postboks 173

Stryn 05.06.2015

**6801 Førde**

## **Arena Stryn - Søknad om tilskot**

Stryn Turn & Idrettslag arbeider med eit prosjekt som har namnet Arena Stryn. Prosjektet inneheld Treningssenter, Basishall og Fleirbrukshall i tillegg til bilsenter for Toyota Nordfjord. Prosjektet er eit resultat av at Stryn Turn & Idrettslag har ein aktivitet som gjer det nødvendig å få til nye og tilpassa anlegg for brukarane.

Idrettslaget har tilnærma 1200 betalande medlemar og mellom 700 – 800 aktive innan gruppene fotball, friidrett, handball, turn, ski(alpint), sykkel og trim. ST&I eig sine anlegg og har sikra arealtilgang gjennom Tematisk kommunedelplan frå 1990 talet og seinare rulleringar. For Arena Stryn er det utarbeidd ny detaljreguleringsplan som er stadfesta nyleg/godkjent.

Utifrå stadig nye og aukande aktivitetar i laget ser vi oss forplikta etter vedtekne sport- og handlingsplanar å framskaffe tidsmessige anlegg, hallar og klubbhusfunksjonar, noko som vi manglar i dag. Ikkje berre for ST&I i dag, men for alle idrettslag i kommunen vil dette vere ei nødvendig og nyttig investering som gjev eit godt supplement til eksisterande anlegg. Alternativt må aktiviteten avgrensast.

Arena Stryn vil også vere eit viktig bidrag i eit Folkehelseperspektiv. Anlegget ligg lett tilgjengeleg for alle type brukarar. Naust og reint vassmiljø ved utløpet av Vikaelva med moglegheit til bading og andre aktivitetar i vatnet, speidarhytte og sti langs elva mot skog og fjell.

Prosjektet er godt kjent gjennom stort reklameskilt ved Stryn stadion, presentasjonar for Stryn kommunestyre og i møte med Kulturdepartementet i Oslo. Prosjektet får god omtale for at det er godt tilpassa området og nøkternt tilpassa brukarane sitt behov.

For å sikre eigenkapital til prosjektet har idrettslaget valt å selje 5 da av sitt totale areal på snaue 54 da til Toyota Nordfjord. Næringsdelen vert seksjonert med gjenkjøpsrett for ST&I. Dette er ei bedrift laget har gode erfaringar med då dei i dag leiger lokale rett over gata frå Stryn stadion. Dei har sal og service og sluttar kl 16.00 då aktiviteten på Stryn stadion startar opp med full styrke og det er behov for parkeringsareal.



